

## **IKASKUNTZA-ZERBITZUA 2020 LEHIAKETA**

Iruñeko Udalak "IKASKUNTZA-ZERBITZUA 2020 LEHIAKETARAKO" deia egiten du, norgehiagokako araubidean, Iruñeko Udalaren Dirulaguntzei buruzko Ordenantza Orokorrak (2006ko 21. Nafarroako Aldizkari Ofizialean argitaratua, otsailaren 17koan) xedatzen duenarekin bat.

### **1.-XEDEA.-**

IKASKUNTZA-ZERBITZUA 2020 LEHIAKETA: Lehiaketa honen xedea da ikaskuntza-zerbitzuko hezkuntza-proiektuak sortu eta abiaraztea Iruñeko ikastetxe publiko eta itunduetan, ikaskuntza-zerbitzua hartuta etapa bakoitzeko curriculumean oinarritutako ikaskuntza prozesuak eta ikasleek tokiko komunitateari zerbitzua ematekoak uztartzen dituen metodologia didaktiko gisa.

Hartara, Iruñeko Udalak ikusarazi nahi du ikastetxeen eta gizarte entitateetan gizalegezko konpromiso solidarioa, bai eta komunitateko eragile guztien gizarte-kohesioa eta parte-hartzea indartu ere, tokiko bizi-baldintzak hobetze aldera.

### **2.- SARI-MODALITATEAK.-**

Honako sari-modalitate hauek ezarri dira:

1. MODALITATEA: Haur eta Lehen Hezkuntzako ikastetxeetako proiektuak.
2. MODALITATEA: DBH eta Batxilergoko ikastetxeetako proiektuak.
3. MODALITATEA: Lanbide Heziketako ikastetxeetako proiektuak.
4. MODALITATEA: Nortasun juridikoa duten irabazi-asmorik gabeko Entitate edo Elkarten proiektuetarako, baldin eta entitate edo elkarte horiek beren helburuen artean badute hezkuntza izaerako proiektuak egitea eta hori estatutuetan jasota badute.

### **3.- DIRU-ZUZKIDURA.-**

Deialdi honi, gehienez ere, 10.000 euro esleituko zaizkio sarietarako, Udalaren Aurrekontuko honako partida honen kargura:

80/32630/450000

80/32630/482090

Sari hauek ezarri dira modalitate bakoitzerako, 2. klausulan adierazitakoaren arabera:

Lehen saria: 1.500,00 euro

Bigarren saria: 1.000,00 euro

Diru-sariaren zenbatekoa saritutako proiektua gauzatzeko erabili behar da.

Saria ordainduta, Iruñeko Udalak egilearengandik eskuratuko ditu, berarendako bakarrik eta mundu-mailan, saritutako lan bakoitzari dagozkion jabetza intelektualeko eskubide ekonomiko guztiak; orobat, lan horiek erreproduzitu, banatu, jendaurrean paratu eta eraldatu ahalko ditu, libreki eta ezer gehiago ordaindu gabe, Jabetza Intelektualari buruzko Legearen Testu Bateratuaren 26. artikulua ezarritako epearen barruan. Eskubidea izanen du, baita ere, lana gaur ezaguna den edo geroan asma daitekeen beste edozein bitarteko edo euskarri ukigarri edo ezin ukituzkotan aurkezteko. Horrek barne hartzen ditu ustiatzeko modalitateak oro, hau da, lana edozein euskarri edo formatutan erreproduzitzekoa, eta horien

arte, bereziki, liburu batean edo euskarri digital edo zenbakizkoan edizioa egiteko, zein lana banatzeko eta jendaurrean paratzeko eskubideak, mundu osoko merkatuan ustiatzeari begira. Eskubide horien artean, berariaz daude sarturik hala lanak online igorri eta zabaltzea nola sare digital elkarreragileetan eskura jartzea.

Edonola ere, proiektuaren jabe gisara, Iruñeko Udalak saritutako proiektuak erregistratzen ahalko ditu Creative Commons-en Aitortu – Ez komertziala (by-nc) lizentziarekin, zeinaren bitartez lan eratorriak sortzeko baimena ematen baita, baldin eta merkataritzarako erabiltzen ez bada. Jatorrizko lana ere ezin da merkataritza-helburuetarako erabili.”

#### **4.- HAUTAGAIEN BETEKIZUNAK.-**

Lehiaketan parte hartzen ahalko dute honako hauek:

- Haur Hezkuntza, Lehen Hezkuntza, DBH, Batxilergo eta Lanbide Heziketako Iruñeko ikastetxe publiko eta itunduek, baldin eta ikastetxe bakoitzeko irakasle batek gutxienez parte hartu badu Iruñeko Udalak deitutako ikaskuntza-zerbitzuari buruzko prestakuntza-ikastaroan, edo, bestela, egiaztatzen badu prestakuntza jaso duela, aurrez, ikaskuntza-zerbitzua metodologiaren gainean. Halako kasuan, prestakuntza hori jaso izanaren egiaztapen ofizialak aurkeztu beharko ditu.

- Nortasun juridikoa duten irabazi-asmorik gabeko Entitate edo Elkarteak, baldin eta beren helburuen artean badute hezkuntza izarako proiektuak egitea, eta betiere proiektuaren sustatzaile edo betetzailak parte hartu badute Iruñeko Udalak deitutako ikaskuntza-zerbitzuari buruzko prestakuntza-ikastaroan, edo, bestela, egiaztatzen badute antzeko prestakuntza jaso dutela, aurrez, ikaskuntza-zerbitzua metodologiaren gainean. Halako kasuan, prestakuntza hori jaso izanaren egiaztapen ofizialak aurkeztu beharko ditu.

Hortaz, lehiaketa honetan parte hartzeko nahitaezko betekizuna da egiaztatzea aurrez prestakuntza jaso dela ikaskuntza-zerbitzuko metodologiari buruz, dela Iruñeko Udalak 2020ko urrian deituko duen ikastaroan parte hartuta, dela edozein administrazio publikok edo entitate pribatuk antolatutako antzeko ikastaroren bat egin izanaren egiaztapen ofizialak aurkeztuta.

Proiektuek jatorrizkoak izan beharko dute, eta 2020-2021eko ikasturtean abiarazteko sortuak eta diseinatuak. Gaztelaniaz zein euskaraz aurkez daitezke.

Parte hartzen duen ikastetxe, entitate edo elkarte bakoitzak ikaskuntza-zerbitzuko proiektu bakarra aurkezten ahalko du hezkuntza-etapa bakoitzeko (Haur eta Lehen Hezkuntza, DBH eta Batxilergoa), salbu eta Lanbide Heziketako zentroak, prestakuntza-ziklo bakoitzeko proiektu bat aurkezten ahalko baitute.

Edonola ere, ikastetxeek aurkezten dituzten proiektuak hiru eredu hauetakoren batekin identifikatu beharko dira:

A eredu: Ikasgela-talde batendako proiektua, zeinean curriculumeko ikasgai bat edo gehiagoko ikaskuntzak diren helburu eta Iruñeko gizarte-entitate edo erakunde publiko batek, gutxienez, parte hartzen duen.

B eredu: Ikasgela-talde bat baino gehiagorendako proiektua, zeinean curriculumeko ikasgai bat edo gehiagoko ikaskuntzak diren helburu eta Iruñeko gizarte-entitate edo erakunde publiko batek, gutxienez, parte hartzen duen.

C eredu: Ikastetxe osoarendako proiektu bat, zeinean, gutxienez, Iruñeko gizarte-entitate edo erakunde publiko batek parte hartzen duen.

IKASKUNTZA-ZERBITZUko proiektuak aurkezten dituzten entitate edo elkarteek egiaztatu beharko dute GUTXIENEZ ikastetxe baten parte-hartzea aurkeztutako proiektuan, ikastetxeak parte-hartze hori onartzen duela esaten duen agiri baten bidez.

Iruñeko Udalaren Dirulaguntzei buruzko Ordenantza Orokorraren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:  
 BAI     EZ

**5.- ESKABIDEAREKIN BATERA AURKEZTU BEHAR DIREN AGIRIAK, ZEIN EPETAN ETA NON.-**

PROIEKTUAK IRUÑEKO UDALAREN ESKABIDE OFIZIAL BIDEZ AURKEZTU BEHAR DIRA, ETA HORREKIN BATERA AURKEZTU BEHARKO DA, 1. ERANSKIN GISARA ATXIKITA DOAN IZENA EMATEKO FORMULARIOA.

PROIEKTUAREN BEHIN BETIKO DISEINUAK BAT ETORRI BEHARKO DU III. ERANSKINEAN JASOTAKO ORIENTABIDE ETA FORMATU METODOLOGIKOAREKIN.

EZ DIRA LEHIAKETARA ONARTUKO ATXIKITAKO I. ERANSKINAREKIN BAT AURKEZTEN EZ DIREN PARTE HARTZEKO ESKAERAK, ADIERAZITAKO LUZERA GAINDITZEN DUTENAK EDO IZENA EMATEKO FORMULARIOAN ESKATUTAKO ELEMENTUREN BAT GARATZEN EZ DUTENAK.

LEHIAKETARA AURKEZTEN DIREN IRABAZI-ASMORIK GABEKO ENTITATE ETA ELKARTEEK HONAKO AGIRI HAUEK AURKEZTU BEHARKO DITUZTE:

A) ESKATZAILEAREN NORTASUNA EGIAZTATZEN DUTEN AGIRIAK, ETA, HALAKORIK BALITZ, HAREN IZENEAN ARI DEN ORDEZKARIAREN NORTASUNA EGIAZTATZEKOAK. HONAKO HAUEK FROGATZEN DITUZTEN EGIAZTAGIRIAK: ENTITATEA LEGEEKIN BAT ERATURIK DAGOELA, ENTITATEAREN EGOITZA ETA ZERGETARAKO HELBIDEA EGIAZTATZEN DUTENAK, ETA ESKAERA AURKEZTEN DEN DATAN ENTITATEA LEGEEKIN BAT ERATURIK DAGOELA.

EZ DA BEHARREZKOA IZANEN HEMEN ZEHAZTUTAKO AGIRIAK AURKEZTEA BALDIN ETA IRUÑEKO UDALAREN EDO BESTE ADMINISTRAZIO PUBLIKO BATEN ESKUETAN BADAUDE, BETIERE ESKATZAILEA EZ BADA IRUÑEKO UDALAK AGIRIAK OFIZIOZ ESKATZEAREN AURKA AGERTU.

B) ERANTZUKIZUNPEKO ADIERAZPENA, DEIALDI HONEN II. ERANSKINA EREDU HARTUTA, ZIURTATZEKO ESKATZAILEAK BETE EGITEN DITUELA ONURADUN IZATEKO DIRULAGUNTZEI BURUZKO ORDENANTZA OROKORRAK ESKATZEN DITUEN BETEKIZUN OROKORRAK ZEIN DEIALDI HONEK ESKATZEN DITUEN BERARIAZKOAK, ETA EZEIN DEBEKU-ZIOK EZ DUELA UKITZEN, DIRULAGUNTZEI BURUZKO ORDENANTZA OROKORRAREN 10. ARTIKULUAN AIPATZEN DIRENEN ARTEAN.

UDALAK, ADMINISTRAZIO PUBLIKOEN ADMINISTRAZIO PROZEDURA ERKIDEAREN URRIAREN 1EKO 39/2015 LEGEAREN 28.2 ARTIKULUAREKIN BAT, OFIZIOZ EGIAZTATUKO DU INTERESDUNAK EGUNEAN DITUELA ADMINISTRAZIO ESKUDUNAREKIKO BETEBEHAR HORIEK, ETA EGIAZTAPEN HORI DAGOKION EGINBIDEAN JASOKO DU, BETIERE SARIA EMATEKO EBAZPEN-PROPOSAMENA EGIN BAINO LEHEN. SALBUESPENEZ, ETA IRUÑEKO UDALAK EZIN IZANEN BALITU AGIRIOK ESKURATU, INTERESDUNARI ESKATZEN AHALKO ZAIO AURKEZ DITZALA.

INTERESDUNA UDALAK EGIAZTAPEN HORIEK OFIZIOZ EGITEAREN AURKA AGERTUZ GERO, ADMINISTRAZIO ESKUDUNEK EMANDAKO EGIAZTAGIRIAK AURKEZTU BEHARKO DITU, LEHIAKETARA HAUTAGAITZA AURKEZTEAN EGINDAKO AITORPEN HORRETAN JASOTAKO DATUAK EGIAZKOAK DIRELA ZIURTATZEKO.

C) AURKEZTUTAKO PROIEKTUA GARATZEKO IKASTETXE BATEAN PARTE HARTU IZANAREN EGIAZTAPENA, IKASTETXEKO ZUZENDARIAK SINATUTAKO PARTE-HARTZE KONPROMISOA JASOTZEN

DUEN AGIRIAREN BIDEZ.

Lanak helbide honetara bidali behar dira:

**Iruñeko Udaleko Hezkuntza, Herritarren Partaidetza eta Gazteriako Alorra, (Descalzos k., 72). 31001 Iruña.**

**Lanak posta elektronikoz ere aurkezten ahalko dira: [educacionpamplona@pamplona.es](mailto:educacionpamplona@pamplona.es)**

Halaber, beste edozein bide erabiltzen ahalko da lanak aurkezteko, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikulua aurreikusten dituen artean.

Lanak aurkezteko epea deialdi honen laburpena Nafarroako Aldizkari Ofizialean argitaratzen den unetik aurrera hasiko da, eta 2020ko azaroaren 27an amaituko.

Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak suntsitzen ahalko ditu jaso ez diren lanak, betiere ebazpenaren kontrako errekurtsorik aurkeztu ez bada.

## **6.- EPAIMAHAI A.-**

Epaimahaia Iruñeko Udalak izendatuko du, eta honako hauek osatuko dute:

- Epaimahaiburua: Hezkuntza, Herritarren Partaidetza eta Gazteriako zinegotzi ordezkaria.
- Epaimahaikideak: Hezkuntza, Herritarren Partaidetza eta Gazteriako Alorreko zuzendaria.  
Iruñeko Udalak antolatuko duen ikaskuntza-zerbitzuari buruzko prestakuntza-ikastaroa emanen duen pertsona.  
Ikaskuntza Zerbitzu Solidarioaren Nafarroako Sareko kide bat, elkarteak berak izendatua.  
Iruñeko Udaleko pedagogo bat.
- Idazkaria: Administrazioari bat, Hezkuntza, Herritarren Partaidetza eta Gazteriako zinegotzi ordezkariak izendatua.

Lehiaketara lan asko aurkezteagatik beharrezkoa balitz, Iruñeko Udalak kide bat edo gehiago gehitu ditzake epaimahaian, betiere metodologia didaktiko horretan adituak.

Epaimahaia honako irizpide orokorrekin bat baloratuko ditu aurkeztutako proiektuak:

- Lotura curriculumeko ikaskuntzaren eta emateko den zerbitzuaren artean.
- Praktikaren tamaina, honako hauek aintzat hartuta: proiektua gauzatzean engaiatutako ikasle-kopurua – ez hartzaile-kopurua–, matrikula-kopuru osoarekin alderatuta, zerbitzuaren hartzaile-kopurua eta proiektuaren iraupena.
- Zerbitzu-proiektuak hirian duen garrantzia eta eragina.
- Sareko lana ikastetxe eta tokiko gizarte-entitateen artean proiektua gauzatzeko.
- Proiektua gauzatu duten ikasleen parte-hartze aktiboa prozesuaren fase guztietan zehar: premiak identifikatzea, proiektua diseinatzea, hura gauzatea eta amaierako ebaluazioa egitea.
- Parte hartuko duten ikasleen artean gogoeta eta pentsamendu kritikoa bultzatzen dituzten jarduerak.
- Gizartean bazterturik gelditzeko arriskuan dauden Iruñeko herritarrei zuzendutako proiektuak.
- Giza eskubideak eta haurren eskubideak babestu eta hedatzeko proiektuak.

Instrukzio-organoak, epaimahaiaren balorazioarekin bat, saria emateko proposamena helaraziko dio organo eskudunari, hau da, Hezkuntza, Herritarren Partaidetza eta Gazteriako Alorreko zinegotzi ordezkariari, horrek sari-ematearen gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezin lanek ez badu behar adinako meriturik edo kalitaterik.

Epaimahaiak accesiten bat proposatzeko aukera:  BAI  EZ

## **7. DATU PERTSONALEN TRATAMENDUA.-**

Iruñeko Udala da arduradun botere publikoek baliatuz dirulaguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Datuen tratamendu-zerrenda eta informazio osagarria [www.pamplona.es](http://www.pamplona.es) webgunean kontsultatu ditzakezu.

Sari-banaketaren irudiak Udalaren webgune korporatiboan eta sare sozialetan argitaratu daitezke, eta hedabide ezberdinetan zabaldu.

## **8.- EBATZI ETA JAKINARAZTEKO EPEA.-**

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa dirulaguntza hau kudeatzen duen Alorreko Idazkaritza Teknikoa izanen da.

Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legean aurreikusitakoarekin bat.

Ebazpena argitaratzeko beharra:  BAI  EZ

Baiezkoa bada, non argitaratu:

Iruñeko Udaleko Egoitza Elektronikoa.

## **9.- KONTUAN HARTU BEHARREKO BESTE BATZUK.-**

**Paperean aurkeztutako saritu gabeko lanak Hezkuntza, Herritarren Partaidetza eta Gazteriako Alorrean jasotzen ahalko dira (Descalzos k., 72, 3. sol.).**

**Proiektuaren behin betiko diseinuak bat etorri beharko du ikaskuntza-zerbitzuko proiektu bat egiteko saio praktikoan azalduko diren jarraibideekin eta formatu metodologikoarekin, zeina III. Eranskinean erantsi baita.**

**Behin saritutako proiektuak bete eta gero, horiek egilea den ikastetxe edo entitate/elkarte bakoitzak aurkeztuko ditu 2020-2021eko ikasturtea amaitu baino lehen, edo, horiek publikoki aurkeztea ezinezkoa bada, lan-prozesua eta erdietsitakoa azaltzeko azalpen-memoria bat aurkeztu beharko da, hori egin dela egiaztatzen duen edozein euskarri grafiko zein ikus-entzunezkoren bidez, Udalak ezartzen duen edozein unetan jendaurrean hedatu ahal izateko.**

**Proiektuen aurkezpenak horiek egin direla egiaztatzeko balioko du.**

## **10.- ERREKURTSOAK.-**

Lehiaketan parte hartzeak berekin dakar parte-hartzaileek oinarriak onartu eta horiei men egitea.

Lehiaketa honen garapenaren eta oinarri hauen interpretazioaren inguruko gatazkak oro organo emaileak ebatziko ditu.

Deialdi honen, oinarri hauen eta horiek betearazteko har daitezkeen administrazio-ebazpenen aurka errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organismoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.

SARI-DEIALDIA, IKASKUNTZA-ZERBITZUKO PROIEKTUETARAKO, IRUÑEKO IKASTETXE  
PUBLIKO ETA ITUNDUEI ZEIN GIZARTE ENTITATEEI ZUZENDUA

**1. ERANSKINA: FORMULARIOA, 2020KO DEIALDIAN IZENA EMATEKO**

**Proiektuaren  
izenburua**

Ikastetxearen edo elkartearen izena:  
Helbidea:  
Ikastetxearen edo elkartearen telefonoa:  
Ikastetxearen edo elkartearen emaila:

Proiektuaren arduraduna:

Arduradunaren helbide elektronikoa:  
Harremanetarako telefonoa:

Parte-hartzailea (ez zerbitzua jasoko dutenak, baizik eta egingen dutenak):  
Izen-abizenak:

Zein ikasmaitan irakasten duten (irakasleak):

Harremanetarako helbide elektronikoak:

Zein modalitatetara aurkezten den:

1. KATEGORIA: Haur eta Lehen Hezkuntzako ikastetxetako proiektuak
2. KATEGORIA: DBH eta Batxillergoko ikastetxetako proiektuak
3. KATEGORIA: Lanbide Heziketako ikastetxeetako proiektuak
4. KATEGORIA: Entitate sozialen proiektuak.

**PROIEKTUAREN LABURPENA** (200 hitz gehienez)



**Proiektuaren eredia:**

A eredia. Ikasgela-talde batendako proiektua, zeinean curriculumeko ikasgai bat edo gehiagoko ikaskuntzak diren helburu eta Iruñeko gizarte-entitate edo erakunde publiko batek, gutxienez, parte hartzen duen. □

**B eredia. Ikasgela-talde bat baino gehiagorendako proiektua, zeinean curriculumeko ikasgai bat edo gehiagoko ikaskuntzak diren helburu eta Iruñeko gizarte-entitate edo erakunde publiko batek, gutxienez, parte hartzen duen.** □

C eredia. Ikastetxe osoarendako proiektu bat, zeinean, gutxienez, Iruñeko gizarte-entitate edo erakunde publiko batek parte hartzen duen. □

Proiektua zein ikasmaitan gauzatzen den:

Ikasmaita bakoitzean, proiektua gauzatzen duen ikasle-kopurua:

Proiektuaren bidez landuko diren curriculum-edukiak:

Aurreikusitako hasiera-data:

Aurreikusitako amaiera-data:



|  |  |
|--|--|
| Zein gizarte-entitate edo erakunderekin elkarlanean:   |  |
| Zerbitzuaren esparrua:<br>Adinekoendako laguntza <input type="checkbox"/><br>Premia bereziak dituztenendako laguntza <input type="checkbox"/><br>Eskola-ikaskuntzak hobetzeko laguntza <input type="checkbox"/><br>Ingurumenaren babesa <input type="checkbox"/><br>Herritarren partaidetza <input type="checkbox"/><br>Giza eskubideak / Haurren eskubideak <input type="checkbox"/><br>Garapenaren aldeko lankidetzak <input type="checkbox"/><br>Elkarbizitzaren sustapena <input type="checkbox"/><br>Osasunaren sustapena <input type="checkbox"/><br>Arteak <input type="checkbox"/><br>Kultur ondarea <input type="checkbox"/><br>Teknologia berriak <input type="checkbox"/><br>Besteren bat (zehaztu zein): |  |
| Proiektuaren hartzaileak:  |  |

Iruñean, 2020ko .....aren .....(e)an  
Ikastetxeko zuzendariaren edo elkarteko lehendakariaren sinadura eta zigilua.

**-II. ERANSKINA-**  
**-ERANTZUKIZUNPEKO ADIERAZPENA-**

Izen-abizenak: .....

Helbidea (jakinarazpenetarako): .....

..... NAN: ..... Telefonoa: .....

Faxa: ..... Helbide elektronikoa: .....

Nire kabuz edo honako hau ordezkatur (dagokionaren arabera):  
.....

Helbidea: .....

IFZ: .....

Telefonoa: ..... Faxa: ..... Jakinaren gainean nago dirulaguntzen deialdia egin dela, norgehiagokako araubidean, xede honetarako:  
.....  
.....

**ADIERAZPENA:**

- Bete egiten ditut onuradun izateko Dirulaguntzei buruzko Ordenantza Orokorrak aipatzen dituen betekizun orokorrak eta Deialdi honetan ezarritako berariazko betekizunak oro.
- Ez nau ukitzen Dirulaguntzei buruzko Ordenantza Orokorraren 10. artikulua onuradun izateko aipatzen dituen debeku-zioetako bakar batek ere.
- Egunean ditu zergei nahiz Gizarte Segurantzari buruzko betebeharrak.
- Konpromisoa hartzen dut eskatutako laguntzaren zenbatekoa erabiliko dudala dirulaguntza emateko oinarritzat hartu diren helburuak eta jarduerak betetzeko.
- Konpromisoa hartzen dut adierazpen honek zehazten dituen inguruabarrak ziurtatzeko, errekerimendua noiz egin eta hortik hamabost eguneko epean, Dirulaguntzei buruzko Ordenantza Orokorraren 15.7 artikuluan ezarritakoarekin bat.

Eta hala jasota gera dadin eta behar diren ondorioetarako, agiri hau egin, eta sinatzen dut,

Iruñean, .....(e)ko.....aren .....(e)an.  
(Sinadura)

DATUEN BABESA: Iruñeko Udala da arduradun Gizarte Zerbitzuetako, Komunitate Ekintzako eta Kiroleko Alorrak emandako dirulaguntzaren kudeaketa egiteko xedez erabiliko diren datu pertsonalez. Datuak, legeek aginduta, Dirulaguntzen Datu-base Nazionalari baino ez zaizkio jakinaraziko, eta Gardentasunari, informazio publikoa eskuratzeari eta gobernu onari buruzko Foru Legearekin bat argitaratuko dira. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrean (Kale Nagusia 2, 31001, Iruña) edo egoitza elektronikora joaz. Pribatutasun-politikan ([www.pamplona.es](http://www.pamplona.es)) kontsultatu ditzakezu tratamendu-zerrenda eta informazio osagarria.

**Proiektuaren  
izenburua  
AYSS**

## PRESTAKETA

|   |  |
|---|--|
| Zentroa   |  |
| Egiteko aurreikusitako datak  |  |
| Erabiliko diren ordutegiak  |  |
| Ikasle parte-hartzaileak: kopurua,<br>mailak, ehunekoa matrikula guztien<br>gainean |  |
| Irakasle parte-hartzaileak  |  |
| Identifikatutako beharra  |  |
| Ematen den zerbitzua  |  |
| Zein entitatekin aritzen den<br>lankidetzan eta lortutako akordioa                  |  |
| Sare-lana beste gizarte-<br>zentro/entitate batzuekin                               |  |

|   |  |
|---|--|
| Ikasiko diren curriculum-edukiak  |  |
| Curriculumekoak ez diren beste<br>eduki batzuk: kontzeptualak,<br>prozedurazkoak eta jarrerazkoak |  |
| Hautatutako edukiak lotutako<br>ebaluazio-irizpideak  |  |

## GAUZATZEA

| <b>LAN-METODOLOGIA</b>                                | <b>Antolaketa eta<br/>taldekatzeak</b> | <b>Zereginak</b> |
|---|--|------------------|
| Lan-prozesuaren deskribapena:                         |  |                  |
| Nola identifikatu eta aztertu behar<br>diren beharrak |  |                  |



|   |  |  |
|---|--|--|
| Nola lortu behar den informazioa                          |  |  |
| Nola diseinatu eta hautatu behar diren irtenbideak        |  |  |
| Nola gauzatu behar den hautatutako irtenbidea             |  |  |
| Nola ikasi behar diren beharrezko gaitasunak eta teknikak |  |  |
| Prestaketaren ikaskuntzei buruzko hausnarketa kritikoa    |  |  |
| Nola gauzatu behar den proiektua.                         |  |  |
| Harremana pertsonekin eta entitateekin                    |  |  |
| Egindakoaren ikaskuntzei buruzko hausnarketa kritikoa     |  |  |
| Nola ospatu behar den zerbitzua lortzea                   |  |  |

## EBALUAZIOA

| Nola planifikatuko den<br>EBALUAZIOA                               | Prozesuaren zein unetan egingen den... |
|--|--|
| Hasierako ebaluazioa   |  |
| Prestaketaren ikaskuntzei buruzko hausnarketa kritikoaren emaitzak |  |
| Egindakoaren ikaskuntzei buruzko hausnarketa kritikoaren emaitzak  |  |
| Curriculumeko ikaskuntzen ebaluazioa                               |  |
| "Bestelako" ikaskuntzen ebaluazioa                                 |  |

|  |            |         |
|--|------------|---------|
| Deskribatu honako hauek nola egin diren eta horien emaitzak: | Irizpideak | Tresnak |
|--|------------|---------|



|   |  |  |
|---|--|--|
| Curriculumeko ikaskuntzen ebaluazioa  |  |  |
| "Bestelako" ikaskuntzen ebaluazioa  |  |  |
| Emandako zerbitzuaren emaitzen ebaluazioa   |  |  |
| Irakasle parte-hartzaileen jarduketan ebaluazioa (Ikaskuntza eta Zerbitzuko Proiektuak autoebaluatzeko izenpekoa) |  |  |
| Entitateekin egindako sare-lanaren (egon bada) ebaluazioa   |  |  |
| Ikaskuntza eta Zerbitzuko Proiektuen emaitza orokorrak  |  |  |